

Paresér Sira Kona-ba Ezbosu Lei Kriminaliza Difamasaun, Ministru Cárceres Estuda Besik Hotu Ona



Ministru Justisa, Manuel Cárceres da Costa. Imajen/Antonio Goncalves

DILI, 09 jullu 2020 (TATOLI)-Ministru Justisa (MJ), Manuel Cárceres da Costa, hateten iha tempu badak nia sei fó resposta ba paresér hosi organizaun la'ós Governu nian (ONG) inklui Conselho de Imprensa de Timor-Leste (CI), Igreja no entidade sira seluk kona-ba ezbosu lei kriminaliza difamasaun.

“Agora ha'u estuda besik hotu ona ba paresér hosi entidade sira ne'e no tempu besik Governu atu foti desizaun,” afirma Ministru Justisa Manuel Cárceres da Costa, hodi responde Agência Tatoli, ohin, iha edifísiu Notariadu, Colmera, Dili.

Nia hateten, Governu konsidera preokupasaun hosi entidade sira nian, sei tetu hodi decide hafoin hodi apresenta iha nivel Konsellu Ministru (KM) no Parlamentu Nasionál.

Manuel Cárceres mós klarifika, lei kriminaliza difamasaun no injure iha kódigu sivíl iha ona intensaun Governu nian atu halo alterasaun ba kódigu penal.

Jornalista : Nelson de Sousa Editór : Francisco Simões